

Nuusbrief 1/2018

Lees in die Februarie-uitgawe van LiG:



In *LiG* se Februarie-uitgawe straal ons van vreugde! Franja du Plessis vertel hoe sy haar sangloopbaan aan God se genade te danke het. Ons gesels met Zanne Stapelberg ná haar tyd van swaarkry.

Ons leer uit die Bybel hoe jy jou vreugde in die Here kan vind. En motiveer jou om 'n kopskuif in 2018 te maak - jy kán jou gelukkig dink!


Ons gee raad aan ouers:

- Probleme met maats - moet jy terugstaan of ingryp?
- Hoe om 'n gebroke tienerhart te troos
- 12 gebede om vir jou kind te bid

LiG het ook heerlike resepte vir kos wat nou in seisoen is en 'n pragtige hekelpatroon vir 'n vrolike kussing.

Maak 'n verskil! 1% van *LiG* se inteken-inkomste gaan aan projekte wat fokus op vroeëkindertontwikkeling. Teken nou in as gemeente by jeanne@tydskrifte.co.za en kry ook afslag.

Jongste Bybelkor-publikasies



Verwondering: Jaap Durand

Geloofsrus in 'n tyd van vertwyfeling

In *Verwondering* lei Jaap Durand die leser tot die besef dat geloof veelkantig is. Al assosieer ons geloof gewoonlik met dinge soos vertroue en vaste sekerheid, is daar in ons geloofservaring ook ruimte vir vertwyfeling, verlange, soeke, vae. Want geloof is nie staties of onveranderlik nie. Dit is dinamies, deel van die lewens-avontuur, deel van 'n pelgrimstog. Dit is nie 'n probleem wat, eens en vir altyd, opgelos moet word nie, maar 'n misterie wat keer op keer binnegegaan moet word. Prys: **R 130,00** (BTW en posgeld in SA ingesluit).

Bybelstudies / Kleingroepe:

Rut: Kobus Myburgh en Annene Mullins

God deur mense by mense

Die boek *Rut* gee 'n mens 'n rilling van lekkerkry. Dit is 'n liefdesnovelle met genoeg spanning en humor om jou tydens 'n Sondagmiddag se lees te boei. En wanneer jy klaar gelees het, kom jy agter jy dink nuut oor mense wat anders as jy is. Die boek *Rut* is geskryf in 'n tyd toe die leiers van die volk vreemde vroue en hulle kinders terug huis toe gestuur het. *Rut* speel egter lank voor hierdie tydperk af in 'n tyd van hongersnood toe 'n familie vir oorlewing na Moab getrek het.




Rut is 'n Moabitiese meisie wat haar skoonma, Naomi, baie liefhet. Rut weet wat Naomi se hartsbegeerte is en sy beraam planne om dít te verwesenlik. Prys: R45,00 (BTW en posgeld in SA ingesluit).

Jakobus: Kobus Myburgh en Annene Mullins

Hoe nou gemaak?

Het jy al vreemd gevoel op 'n plek en gewonder of jy regtig daar hoort? Dit is hoe die mense wat Jakobus se brief die eerste keer gehoor het in hulle omgewing gevoel het. Vreemd, uitgelewer en met 'n diep hunkering na hulle plek van herkoms, êrens waar hulle tog net kan tuis wees. Vir hulle vertel die skrywer van hierdie brief dat behoort-aan-God al hierdie gevoelens relativer en dat wysheid hulle help om nie selfgesentreerd te wees nie en nie vas te val in hulle eie klein wêreldjie nie. Prys: **R75,00** (BTW en posgeld in SA ingesluit).



Jeugfokus:



Kleuterkerk 2: Aanbiedersgids (**R120,00**) en Doenboek (**R85,00**)


Kleuterkerk 2 Aanbiedersgids is 'n uitstekende hulpmiddel vir enige gemeente se kinderbediening. Die 25 aanbiedings in hierdie boek bevat alles wat jy nodig het om jong kinders van 2 tot 5 te laat ervaar dat Jesus baie lief is vir hulle, om hulle meer van die Here Jesus te leer en om hulle te lei om 'n persoonlike verhouding met die Here te bou. Die *Kleuterkerk 2 Doenboek* is 'n inkleur- en aktiwiteitsgids vir elke kleuter.

Kompas: Rigting vir die lewe (Leiersgids - **R80,00** en Gespreksgids - **R60,00**)

Die Tema-kategesereeks is spesiaal ontwerp vir jongmense

- om aan hulle geloof diepte te gee sodat dit hulle lewe stewig kan anker.
- om aan hulle die hulpmiddels te gee wat hulle sal help om die uitdagings van die lewe suksesvol aan te pak.
- om hulle te help om in hulle verhouding met die Here met 'n roeping en 'n droom te leef.

Die 10 temas is ideaal om in kategese, omgegroepe vir jongmense of by jeugkampe te gebruik. Dit is 'n wonderlike hulpmiddel vir mense wat in kwartaal-reeks of seisoen-siklusse met jongmense wil werk.




Let the children come to Me: Children's Sunday school



Six activity books (3 OT and 3 NT)

These six activity books offer young children do-it-yourself activities based on core Scriptures from the Old Testament and the New Testament in the Bible. Through these activities the children discover in a playful way more about 90 stories from the Old Testament and the New Testament that play an important role in our faith formation. Price: **R35,00** each (VAT and postage is SA included).



BYBEL-MEDIA

Jou 2018-Bedieningsvennoot

Inligting, Navrae en Diensverskaffing:

- Skakel 0860 26 33 42 óf 021 864 8210
- Of stuur jou bestelling per e-pos na: bestel@bmedia.co.za
- Of koop met jou kredietkaart op die webtuiste: www.bybelmedia.org.za, klik dan op winkel, óf tik die produknaam in.

Groete vanuit Wellington.

Hans Steyn

Bybel-Media

E-pos: hans@bmedia.co.za

Tel: 021 864 8223